

南

渡

錄

南渡錄卷之二

大理寺左寺丞前工部都給事中臣

七月丁亥祀高皇帝以下於奉先殿以大

祭以太廟未成故也

命暫停緝事衙門以五城御史糾察

蘇松巡撫祁彪佳言洪武初官民有犯或收繫錦衣衛

當事者因非法凌虐高皇帝乃于二十年焚其刑具

送囚刑部審理是祖制原無詔獄也後乃以鍛鍊為功

羅織為事雖轉送爪牙實擅奸鷹狗訂緹迫勒承按以

指授定雖舉朝盡知其枉而法司無敢雪冤酷慘等于是
未聞平反從無除社此詔獄弊也洪武十五年改儀鸞
司馬錦衣衛常直駕侍衛未嘗有所理攝迨東廠立
始開告密用銀而打事件得賄而繫刑章無籍特先憑倚
籍技充鮮恥士紳交通倖免飛誣多及善長赤棍立致
巨萬招承多出予拷怨憤充塞京畿欲絕苞苴苞苴弥
盛欲清奸宄奸宄益多此緝事弊也若夫刑不上大夫
祖宗忠厚立國之本及逆瑾用事始去衣受杖刑章不
歸可敗朴責多及直臣奉無可殺之罪乃加必死之刑

當其血戰玉階內飛金陸班行削色氣短神搖即恤錄
隨獲已冤驚骨削矣朝廷受復誅之名天下及歸忠
直之譽此廷杖之弊也疏奏閣臣曰廣擬革不久諸內
臣意也曰廣疏奏甚力有緝事不除宗社且不可知何
有嚴銜等語乃命五城御史體訪識者已知嚴銜必復
矣御史朱國昌言臣奉旨後傳聞仍欲設立緝事差違
內使然歟否耶國朝自設嚴銜以來但知利于得奸不
知奸愈多愈不得已臣請脩言其害緝事之權授之刑
官理刑之權付之辦事番役一出飛以擇食首告日熾

捕影為上私刑酷拷吸髓股膏鎖放自繇輕重任意口
詞誰辨有無爰書一任出入下自黎庶上自縉紳同沉
黑網矣至于各衙門審事密緝有人立其公庭名曰聽
記各犯情詞與問官讞語一一錄之若非各有實緣遂
其嗜欲則增減捏報且緝獲有功例得陞級于是網羅
四布初賊捏款大起株連積成一卒之功孰計萬人之
枉至使無賴廝徒儼然冠蓋金吾抗衛紳士名器之濫
尤可惜恨若大內使衙命從時奉差所經地方道路以
目甚至驚惶逃竄聚集傳說連禍無已誠非所願于聖德重光日

也報聞

升國子監丞陳龍正禮部員外原任臨川知縣張采禮
部主事後北兵入嘉興龍正居家病瘧感憤不療死
加去任吏部尚書張慎言工部尚書程註太子太保于廕
巡撫湖廣何騰蛟疏陳守楚要着以固長江從之

言楚地上自荆襄下帶新黃沿江二千餘里自非于扼
要處各設重兵宿將一處疎虞全疆潰敗除武昌為全
楚根本已有鎮臣左良玉世守外其餘扼要之地有四
一荆襄一岳陽一承德一新黃荆襄全楚門戶在所以

爭但目前尚稽恢復則兵將安挿無地防禦之著宜併
力于岳陽議總鎮一員統領水師五千馬步一萬直抵
荆河口灣泊于監利公安等處以防狡賊之順流馬步
屯札于城陵磯以應舟師之聲勢水陸俱備則上流固
固承天陵寢所在新難聽賊久踞然未可輕率其原設總
鎮應駐兵于仙桃漢川而處內固漢沔各湖之險外連
承德各寨好義之民以守為復局從此定再如德安興
蘄黃皆屬喫緊惟是蘄黃迤而德安遠守遠不如守迤
宜設兵一萬總鎮一員為之駐防起自陽邏圍風道士

狀以至富池田鎮清江各要口皆屬其轄而更聯絡新
黃山寨作我外援則下流固若批驅中原固有三路並
進之功即暫安江左亦有萬里長城之勢疏奏命議行
戊子原任大學士孔貞運卒

以補議不可少
謚原任督師兵部尚書盧象昇忠烈

象昇以丁憂督師死賈莊之戰先帝時贈太子少師

至是補謚

起用罪廢各官復原任左僉都金光辰原官候閑用

光辰先帝時以御前救劉宗周故謫餘皆罪廢或降調

省內胡麟生胡江係擬科先未蒙點用御史徐駿臣係
例轉兵部郎中陸奮飛家母以懷遠庾常胤緒薦皆復原
官時起用紛以獨原任兵科沈迅已蒙先帝環召尚遺啟
事後據堡自守抗北兵堡破閤門自焚子弟皆被殺

升李之椿光祿寺丞

之椿以吏部降

己丑吏科都章正宸疏陳國是

正宸言今日形勢視晉宋更艱難肩背腹心三面受敵
而悍將驕兵漢無足恃豈真虎踞龍蟠鼎建之業哉而

當事泄：偷息何也遂望故都傷心離黍夫亦念祖宗
弓劍所藏乎 先帝先后殉社稷之烈乎青宮二王陷
淪賊壘望援嗷涕乎從君以亡者守正諸臣冤慘乎三
百年生養熬熬盡為被髮左衽乎兩日未聞文吏錫鞶
矣不聞猷猷武臣私闕矣不聞公哉聞老成引逝矣不
聞敵愾諸生捲堂矣不聞請纓如此日望興朝之氣象
臣知其未也今宜以進取為第一義進取不銳則禦守
不堅且事會之來間不容髮比者河北山左忠義響應
結寨保聚擒殺偽官為朝廷効力若不及今電掣星馳

伏羲仲討是創天下之氣而坐失机事也宜亟撤回鎮
分渡河淮與河北山左協力互為聲援使兩京血脈通
而後塞升陞絕孟津據武關攻隴右豪傑並起賊不難
旦夕殄矣陛下何不縞素親率六師至淮上豈必冒矢
石履戎陣哉聲靈所震人切同仇勇憤百倍也

庚寅升應安巡撫左懋第兵部右侍郎兼都察院右僉都
御史兼理河北聯絡關東軍務加馬敘儼太僕寺少卿
兼兵部職方司郎中陳洪範太子少傅欵北

書稱大明皇帝致書北國可沛以銀十萬段絹各數萬

崇禎先生伏冀死
義不辱君命出
燕武郡往之上

行又賜臨北諸臣及吳三桂詔諭通和意。慈弟言臣此
行往問。先帝后梓宮又問東宮二王消息。當哀麻。
往。臣不敢辭。但臣銜當議臣同行之人。不得不言。臣銜
以經理河北聯絡關東。為命帶封疆重寄之銜。而往議
金繒歲幣。則名實乖。況以外銜往虜。將先往奪地。而
後經理乎。抑先經理而後往乎。此銜之當議者也。若同
行之馬紹愉。即壬午年所特封紹愉赴虜講款。奴顏
婢膝。許金十萬銀一百二十萬。虜送之。參貂無數。今復
歸臣疏言中國寬一馬紹愉。北廷添一中行說。而紹愉

遂應解回籍矣今與臣聯銜出使可無一言我如皇
上用臣經理祈命洪範同紹愉將使而假臣一旅偕山
東撫臣收拾山東以待不敢復言北行矣如用臣同洪
範北行則去臣經理聯絡之銜但啣命而往謁先帝
梓宮訪東宮二王消息賞賚吳三桂等并宣酬虜之義
而紹愉似無可遣也疏奏閣部俱請止紹愉改用原任
劉督王永吉詔遵前言慈第臨行又言渡河而北生死
未知賴以辭閒之身効一言臣所望為恢復而近日朝
政似少恢復之氣陛下時以天下為心以先帝之

禦北京之耻為心膽 高皇帝之松楸而即念 成祖
列宗之陵園現有黍離之痛撫江上之黎氓而即念河
北山東之赤子恐有左衽之羞臣更望 皇上命諸臣
時以整頓士馬為事勿以臣此行為必成即成矣勿
以款成為可恃必能渡河而戰而後能扼河而守必能
扼河而守而後能獲南都于萬全此一定之理勢也若
臣原請者收拾山東結連吳鎮并可取臣母骸骨而今
以酬北往內痛于心惟以不辱自許以死自矢以報君
之命而并完此父母所生之身死無恨耳末又云 先

帝狗難目少錄諍臣少也遠如河北之地雖在遠而勿
忘直知汲黯之流雖逆耳而美棄時以爲名言或語懇
第以宋富弼使契丹故事懇弼曰此吾屬夷非契丹比
雖獨車中一得亦不可其矢志如此

安廬巡撫張亮以聞逆可棄請任辦賊所向進討久之
尋召亮入京議既而不果復遣還任

補原任刑科李汝璣御史黃宗昌原官

汝璣先帝時以建言廬

命提兵金聲樞駐防揚州

辛卯補原任工部陳燕翼原官

燕翼 先帝時以劾黃澍冒功論

升戶科部張元始太常寺少卿

壬辰贈先朝名臣吏部左侍郎葉盛為吏部尚書補吏部
尚書翟欽順詹署銓預錫時任禮部時題請未票人以
為贈詹吏部事也至是錫時署銓復為題允然遠年補
詹人事親觀矣

定守護鳳陵戍兵五千人

追謚繼妃李氏孝義端仁肅明貞潔皇后

授進士陳震生等中行職班三詔

震生汪鉉盧象觀張盼之王鳴珂歐養素六人皆應授
邑令至是借差改京職與大理寺丞唐兆恆等同班詔
四方

命嚴汰劉付武職非兵部督撫總兵等官不得擅界

原任戶科熊汝霖疏請喚群迷昭臣分俞之

疏言當事諸臣爭誇定策周計復禦廢堂未已且為開
必噫此乾坤何等時不利一籌餉議戰議守如何防江
如何守淮如何控剽寨如何定齊豫如何使諸鎮賈勇

此伐毋懸。江右而一味招搖。嚙露齒張拳。始武與
武。武爭。健文與文。歸清夜自想。究有何因。是盜已入室
而奴且閑庭。主人翁使首聽之。天下事其有濟哉。工科
都李清亦言。先皇十七載宵旰。不以興亡亡人知其
故乎。或倭步低言。情貌燕喜。則其罪在謀。或露齒張拳
毒生蜂蠆。則其罪在競。卒之籌兵畫餽之心。不勝其持
祿因寵之心。與分社樹幟之心。而如醒如睡。以貽禍宗
社。是前車也。今在庭諸臣。不此之鑒。而泄泄如故。水火
玄黃。又如故。豈忘先帝時事耶。一時心涎利名。見分

吟成諸臣之舌我何猛然究竟逆聞一入蘭艾與玉石俱盡而迄今時移事換獨一夢也將舉半壁山河不供諸臣之金擲不止乎無以調停起紛囂無以姑息滋飛揚可也疏奏俱俞之

癸巳鎮江于永綬等兵亂

督輔可法却將四人劉肇基陳可立張應夢于永綬皆以功遷鎮帥加官銜而永綬猶保點相與統騎兵百餘舟二百餘從可法北征駐紮京口會浙撫所調都司黃之奎亦部水陸三四千戍其地之奎安靜獨鎮兵橫偶

一騎買民瓜半予價民嘗之乃歎民浙兵起縛買瓜者
枝江中遂大陳六月二十六日浙續發防江兵至守備
李大開率之起鎮兵衝道砍其馬殺兵二三人馬負創
馳本營鎮帥知有變率兵與大開相擊他浙營生視莫
援大開矢洞脅死鎮兵乘機焚掠死者約四百人奪擄
財物撫臣祁彪佳聞亂從蘇郡整部伍疾至永綬等兵
聞風亟遁彪佳兵追之所收資貨衣甲甚衆奏聞命四
將由六合趨可法軍前聽核治而已未幾移駐儀真鎮
江民始安原任戶科熊汝霖言兵至今日百姓視如讐

朝廷畏如虎元成謀國者始為養癰之術以苟且目前而直言無諱者一觸其鋒身家之禍立至臣新自升陽來知浙兵為邊兵所掣大居民者十餘里然邊兵同守地方何得輒自焚殺聞邊帥言江北四鎮以殺掠封伯吾輩何憚不為臣意四鎮一聞此言必當憤發為虜戮然北伐以雪恥而猶慮一淮橫逼處此土何覲顏也况一鎮之餉多至六十萬勢必不供即倣古藩鎮法亦當在大河以北開屯設府永北帶礪曾堂與內處以藩籬視之至定鼎之地強幹弱枝兵力宜厚頃見樞臣張

因維請建三輔疏擁衛神京莫善于此當初進行以觀
成效報聞

辛北選御史汪承詔戡為民

以應按賀選代題故先削籍

升四川巡按劉之渤都察院右僉都御史巡撫本省以御
史和壽副巡按吏科左熊汝霖言蜀事已為書腐陳士
奇壞盡今不宜用一弱不勝衣之、渤不聽士奇為提
學則談兵及為巡撫則又談文故汝霖及之

戶部以兵增缺餉請勅會議量入為出又請開援納事例

俱從之

甲午命從逆諸臣以六等定罪

從科臣馬嘉植言也嘉植言今日可憂者乞師突厥召
兵與水自昔為患及今不備萬一敵馬長淮修功邀竇
將來亦何辭于虜又請從逆諸臣倣唐六等定罪從之
命各鎮舉用大帥俱聽督輔史可法題請

召對北使陳洪範馬繼愉等議如原任兵部尚書陳新甲
尋以科疏已之時左懋第以憂不入獨閣部九卿科道
與洪範及紹愉俱對上言及款北紹愉言先帝時

曾命臣使北若款成必無今日上問何以不成紹愉
言使者再往則款矣主款者陳新甲以言官劾棄市故
輒上曰如此新甲應卹諸臣無應者獨詞臣陳盟朗
應曰可上因命卹并察度斬新甲者時諸臣恐殿上
相爭齟齬臣前輟遂退既而工科都李清等言新甲受
任中樞楚豫喪失者為襄陽河南汝寧南陽歸德等六
郡即恭皇帝飲恨上賓禍亦繇此近聖明御極雖追崇
尊號然攀髯莫逮徒想遺容于弓劍想亦不獨臣民所
痛心也且新甲又誤聽張若麒言出關催戰舉五鎮八

萬之精銳盡喪海濱今者皇幾淪陷其病原此不以爲
罪將舉而功之乎若先帝以不世神武屈呼韓而繫
頡利是其壯懷迨虜寇交橫內帑如洗欲緩餉而兵且
脫中欲加餉而民已剝削故以憫念元、至意不得已
議款此亦先皇所隱、茹恨而不欲明告中外臣民
以弛我戰守者新甲乃謬行抄傳可乎當日刑部初擬
猶緩以秋社先帝竟改票另擬如之主決蓋惡其以
浪戰誤國又惡其以泄款辱國而非以主款死也若指
新甲爲枉應與朝雪則以未失一城、未喪一旅之總督

鄭崇儉因人巧却立肆西市然諸臣雖微知其寃而未
敢顯言正以封疆事重寧嚴無寬耶况新甲取乞將新
甲罪狀再頒天言仍昭原擬又給事中袁彭年陳子龍
復特疏爭之遂已

改吏部員外倪嘉慶為戶科給事中察核省直錢糧
大學士高弘圖等薦其有心計故也

丙申左都御史劉宗周言文武將相未盡調和官府表裏
多出權宜又以紀綱法度風俗人心為言俱嘉納之
命速議開國靖難及正德天啓慘死諸臣諡

靖難諸臣：謚惟不可少，往往當時是非急務，若謚以朝野，諸臣核實，寸心亦可辨別黑白，初為著案，至去年補後敘，越詳則錫賄不免有責矣。

時靖難諸臣謚雖奉俞旨，然以人遠事湮，又札臣顧錫時將祭南海中止。至是工科都李清復舉崇禎時前疏請之，得旨速覆。札科都沈胤培復申其說，于是署礼部管紹寧始相繼題覆矣。

丁酉以杜弘域、楊御蕃、年文綬、丁啓光、竇國寧、胡文若補三大營各總兵官，弘域等統一營，至五營啓光等統六營，至十營。

命推補原任戶部尚書于士廉等

從忻城伯趙之龍請也。前此勲臣所薦無任命推補者。

東平伯劉澤潁請宥故輔周延儒助餉贖銀命刑部酌議
時輔臣曰廣見澤潁疏乞與^之潁干輒改故暫停不下欽
令發自言路奉有俞旨然後下澤潁疏止批有旨而已
既久無言者乃稟發却覆不允

戊戌命核原任鳳陽總督朱大典

原任戶科熊汝霖言近聞虜騎南下山東諸郡豈可輕
委南北諸鎮非乏雄師不于此時渡河而北或駐臨濟
或扼德河節一聯絡斷其來路直待長驅入境使欲一
筆江南公然向小朝廷求活乎且聞賊遁歸志在復還

及今速檄諸鎮過河拒守一面遣使俾虜回轅然後令五鎮全分公道西征或如同亞夫之入武關或如王鎮惡之溯渭水直搗長安出其不意仍檄蜀中銳卒河西壯士東行以佐之或賊中有如史思明者使其自圖許以重賞則獯獍之首不日可懸殺賊可以威虜提在我內外文武諸臣凡事實做急做無滋謀論無遲時日而心又言大典雖屢掛彈文然吸家措餉宜今先為事官北行命校議具覆

撫寧侯朱國弼疏枝卜會推全五府不允

以劉宗周疏糾也時閣臣弘圖知士英未可遂恐宗周
再疏水火益甚大為善類異日之患宗周聞乃止

庚子萬壽聖節帝御殿百官朝賀

識者以為國家伊迩宜倣宋高宗免朝故事

升開封推官陳潛夫為江西道御史巡按河南

壬寅工科左李維樾請改欽北為嗣北以正名義從之

命上供應用諸物須內衙門稟奏點過方發部脩用

工科都李清言 皇上自中州播遷柳後雨沐風脩極
艱難光武之不忘麥飯豆粥唐宗不忘質衣敝舍皆從

安樂憶艱難。蓋以勵儉也。若皇上持此自勵。則安不忘危。修源塞矣。非然者。奢用必至。多藏多藏必至。厚歛厚歛必至。煩刑恐令盛之天下。膏血亦殫。而況半壁之膏血。有幾。伏乞申飭內外。廢無用之金玉。罷不時之傳奉。勿謂秦小而為之。錙銖亦巨萬之開端。勿謂儉小而為之。巨萬亦錙銖之層積。奏俞之。

詔謚廢大典子孫不得擅求。請奏者禁。

謚山西巡撫蔡懋德忠襄。隨州知州王肅忠愍。

肅以城陷自縊。懋德先以失事革任。聽勘賊至。督戰遇

追贈予謚直隸開國功臣
臣查南方為三省半結
同加聖先此第丁之案
亦有天象存耶

皆皆礼臣相錫時同里也懋德以失事謚寒人謂名實

不稱礼科張希夏疏駁之吏部尋覆贈官不允

命事係兵机者照例家封下科

癸卯革閑部類將于永綬賊帶罪立功降勅肇基張應夢

各三級仍命自今兵將調集地方俱聽撫臣節制

追贈開國功臣穎國公傅如德宋國公馮勝等

從工科都李清言也友德贈麗江王謚武靖勝贈寧陵

王謚武壯俱塑像祭于功臣廟又贈德慶侯廖永忠慶

國公謚武忠定遠侯王弼濠國公謚武威長興侯耿炳

文興國公東勝侯汪興祖勝國公俱謚武愍。馮國用武翼丁德興武襄秦世傑忠烈茅成俞廷玉俱武烈。丁普即武節。韓成忠壯花雲忠毅八人皆已贈者。

革從逆諸臣。朕命法司察有確據者。先行撫按。解京正罪。淮揚巡按以數以皇太子及二皇曾遇害。聞

時有未任陽春縣典史顧元齡。于五月出都。見聞敗奔。被吳三桂西追去北。又傳言皇太子卒于亂軍。定王永玉俱于賊走日遇害。于吳三桂宅內皇城宮殿太廟享殿各門俱焚。惟存正陽一門前三門外焚劫更慘。突據

元齡言以聞、者流涕

甲辰草原任漕道、徽應會戰

兵科陳子龍疏糾其貪也、應會後仕北、復官奉政

廢從龍內臣屈尚忠、田成、張執中等、各弟侄都督同知、世

襲錦衣衛指揮使

禮部尚書孫陽、疏糾從逆臣諸詞、臣命察議

疏內所糾、乃周鍾、項煜、楊汝成、楊觀光、楊廷鑑、陳名夏

何瑞徵、韓四維、高爾儼、薛所蘊、梁兆陽、朱積、魏學漁、方

以智寺也

奪故輔溫體仁葬國親王延儒官庶提理獄文舉祭庶官
銜

前共憤：國主忠憤，
如此罪廷安得不壞

御史鄭友玄言延儒之貪倍于國親體仁之姦又毒于
延儒今延儒國親皆相結服法獨體仁以先死通誅體
仁陰狠性行酷類李林甫而賢士之罹其毒者八年中
圉圉無虛日更非天寶時所有已將延儒體仁官庶贊
產或類點嚴逸或比秦檜謬醜之盜貌其奸慝勿令國
親獨恨地下疏奏追奪有差延儒國親賜死文舉伏法
安有祭庶官銜人訖聞案懷情

都察院左都御史鄧宗師入京

丙午督輔史可法疏陳分設四鎮始末且請朝臣論是非
疆臣論功罪嘉納之

初四鎮垂涎楊郡可法不得已許有警時各安頓家眷
謂彼此有分可免獨踰且謂之有警則無警不得駐軍
然以調停故坐霸北代識者恨之

議旌北都死難布衣湯文燮

原任戶科熊汝霖言北都一案臣嘗訪之耆老確知梁
兆陽楊觀光何瑞徵為從逆賊謀之首侯恂曹欽程為

出獄謝恩之首方岳貢魏藻德為見朝報名之首而湯
文瓊以布衣死難衣帶中藏有位非文丞相之位心存
文丞相之心二語賊兵此以責陳演斬于市應揭出以
惇史又言楚撫王揚基送一武昌以曲媚鎮臣蒙面受
事避賊甚巧虐民甚慘應勅却校議另示處分荊督王
咏吉聞變思歸明旨切責能不愧死臣知永吉才尚可
用然亦須先定其罪而後徐開使遇之速憐才伸法庶
幾兩得疏奏命核議未幾鎮臣左良玉疏言已不受婚
語意驚悸

戊申戶科羅萬象請以副榜充貢不允

閣臣鐸意也時請贈廢者尤多皆以違年冒乞鐸一槩持之然自他輔票擬又每得俞旨濫觴遂開

兵科陳子龍陳防守要害者命速行

一曰北使宜速臣料虜今在臨濟間者以安民為名不
逆建州來跡或即我降將為一大衆南下而我玉帛待
諸境上城下之盟國體益傷宜勅左懋第陳洪範等星
馳渡淮先齎勅諭往而令馬紹愉等護銀幣續行沿途
將登極詔四行騰布使諸夏曉然知有共主則人心尚

可鼓也。一曰河淮當守淮自濠梁以上。秋冬之際淺而難守。河自徐邳以上。歸德汴雒之境。荒遠近寇。今我所恃為江北障蔽。四鎮兵平劉澤清。扼守淮陰。劉良佐併鎮濠。素差為得策。揚州無藉兵。守高郵之來。安頓家眷。今秋氣漸爽。聞其久懷進取。自當速往。徐邳本信控黃河。上流黃得功。素稱忠勇。亦當移鎮符離宿州。以便東西策應。其應用糧餉。當先行會計。陸續措發。移兵之期。斷不可過此月矣。一曰防江宜審數月來料理。防江兵非不多。將非不眾。但患統制未一分。信未明。船隻鮮少。

平今黃鰲雖未受事而上有郭鴻遠之師下有黃斌卿之師但當畫不信地凡諸零星兵船皆附麗之今其益廣召募卽黃二帥須兵萬五千人船五百號聲勢始壯似當即日給發今刻期受事者也

札朴勅致平請投楊鄂沅撫王永吉楚督年文綬楚類以備聞逆命建議

命拏究四川貢生吳邦策

先是邦策寓都門目擊閭逆變取偽吏部告示并私記歲之髮中至留都邦因變振不死難利辱因尋潛身叛

逆授官誅戮七款、牒列姓名、內戚方郎龔、以崇禎十
六年陞、而謬刊授職、疏辨、因命擊究、并遂策然寔、委弟
唐吉士、為也、以字類重出、且數人訛、取時終以彙策錄
為是

己酉寧波府通判朱統、到疏請保舉、不允

旨謂先朝之壞、于保舉不必行

內傳戶部左侍郎張有譽、升本部尚書、問臣高弘圖等、繳
御札爭之不聽

有譽曾任漕儲道上、召對時、勲臣朱國弼、力爭漕運、提

兵不可罷有譽不與辨惟歷陳情事原委洞如指掌因
弼一語不能對類亦而已至是以尚書周堪廢久不到
任傳升有譽為之識者謂且啓阮大鍼等傳升漸也勅
有譽力辭不能從工科左李維樾言當此軍興浩繁有
譽經濟通才用甚當乃臣同官章正宸請繳御札閣臣
私因等合詞引咎豈為有譽乎哉今日可用一有譽他
日可用一非有譽者漸不可長耳我祖宗鑒古垂憲立
意宏深政以大小相維閣部不得尚擅人以甲乙互議
臺省皆得與聞故票擬在中書忌其威福封駁在左掖

存其是非中旨傳宣未數，見偶有之正先臣劉健輩
所惕然于履霜之漸而動色力爭也臣願 皇上慎持
之而已報聞

庚戌命馬上差官催礼部右侍郎黃道周赴任又命吏部
主事葉廷秀以都察院堂上官涂仲吉朱永明以翰林
秘秩用

兵部侍郎蘇學龍疏薦道周等票擬者閻匡鐸也前超
升何楷今超升廷秀遂為異己藉口矣

辛亥上傳朕病九六之運方資群策旋軫故都乃自殿爭

啟蒙馴至穴開成風封事雖踴廟筭安在 先帝神資
獨斷彙納衆流天不降康登堂在上朕本涼德冀爾文
武大小諸臣鑒于前車匡復王室昔漢室起于艱難而
提合志唐肅興于靈武李郭同心今若袒分左右口構
玄黃天下事不堪再壞茲特諭爾諸臣和衷集事勿頌
之交讐忘廉簡同車之雅嫌朕復懷朝廷以此望爾諸
臣爾諸臣以此體朝廷意不則祖宗成憲弗尚姑息特
諭

後原任御史毛羽健原官

羽健 先帝時曾糾阮大鍼楊維垣後坐袁崇煥黨為
兵部主事陸澄原所糾革職

命高牆廢宗除謀不執另議外餘盡釋放

命起用鄭三俊易應昌啟可壯孫晉奇

從兵科陳子龍請也可壯後仕北為刑部侍郎

命都察院嚴禁各衙門詞贖

御史朱國昌言南京文武衙門自勲爵部寺及散秩首領
皆受詞會贖淹禁平民故禁之

壬子大學士高弘圖等請建中宮命候皇太后回鑾日行

舉經筵以公弘基知經筵輔臣可法弘圖曰廣士英鐸同
知經筵詞臣錢謙益等紹寧陳盟先講官張居為展書
官

太僕寺少卿鄭元詒請急發高黃二鎮兵餉以便進取從
之

元吉言高傑開西寇相持欲乘機復開歸伺使入秦奪
其巢穴所乏者餉耳黃得功見朝議款虜力言不可示
之以弱恐長覲覲恣要挾辱國匪小二鎮之論與款議
相背今款金既頒防餉即宜速措惟是東南民力寔竭

催科一急鼓噪四起惟望 皇上卧薪嘗膽以澹嗜好
早朝晏罷以斥宴安日進閣部臺省諸臣戒絕玄黃廣
收謀斷凡行間兵事各疏一、簡出而商批答不許所
司延誤後之

吏科章正宸疏銓政十二事下部覆行

一曰惜人才北都淪陷忠義志不圖生天下之才十去
一二燕趙豪傑齊魯英秀秦晉雄宿不可復問天下之
才十去三四大河以南仕于虜者又以汗濫死灰難燃
天下之才更十去五六所由以資中興者僅在荆揚益

之間可不知愛惜乎廊然恢綱無以細過小者復從濕
束可不嘆乎之才一曰甄督撫督撫者吏治係焉軍政
係焉人材民生係焉今見在督撫支持半壁孰為百鍊
之品八面之才孰為望可服人才能周物孰為牽張寡
識奚嬉無能宜留宜去宜更必家臣力秉虛公庶封疆
無悞一曰催修冊吏部修冊有年月有賢否據迹難移
法成不変今掌故無憑親押屢遷跡迹不調雖欲平進
其道何由必據呈牒咨訪是易公舉為私訪變明試為
暗報之行權立限勢不容緩一曰慎名器國步多難方

殷忠智定策既茂厥賞其餘復人自請叙將使金銀不
供其卽束帛不充其錫何以免瓜果之謁息繁纓之論
哉一曰持戩掌用人獨歸吏部非可雜操自旁求求文
武諸臣得自擇其屬有咨送有薦校有奏討家臣所戩
其餘幾何宜一味銓註無使政出多門一曰重郡守迨
郡守上制司道下制司理欲行其治不得變通之法莫
若隆體貌重事權功績茂者晉秩加等兵衛要地必得
治賦長才兵使自練糧使自儲才使自拔六曹掾史自
擇所謂得賢守一勝雄師百萬也一曰補懸缺長吏員

缺無如今日人兼數事日不暇給則就近補勢不得
不委之該撫按山左右河南北遼本土俊才庶人地相
安江淮以南諸長吏撫按所與共安危禍福也按才題
授緩急有資據成敗而核功罪為力殊易一曰核環賜
大用人撥亂其可使凡俚近器使倖功名哉宜將薦剡
察覈本末縷條用舍酌年資審才品應陞者陞復者復
或別用或休致無徇虛聲襲乃實蹟一曰酌行取古官
宿其業吏不數更久任以責成功近或俸行取及未周
一考之士不已汰乎今即破格掄才新宜以年為率使

卽吏戰心供職獨多應之思而後神羊屈軼可遇也一
曰肅疆吏文武諸臣共寄封疆則共宜死事逆者逆賊
長驅望風奔竄不斬誅罔之臣安激報國之氣卽有智
謀勇決可收效桑榆亦必定罪案徐論才諳未可遽登
啓事以啓倖門一曰飾廢官宥過之典與志士更始所
以作天下氣也然爵見重士乃勸法相守則士知思今
恩詔與申許地方陳薦乃不自靜聽親覲輦下或儼然
陞見行金懷刺踵相接也條例廢官罷吏不許叩頭聞
宜加嚴飭正宸所言皆切中時弊

罰原任戶科熊汝霖修

汝霖言臣親目前大勢無論恢復未能即偏安尚未穩
致、討究止應有兵餉戰守四字今改爲興同思四
字即一二人之用舍而始以勲臣繼以方鎮固圉恢復
之術全然不講而惟舌鋒筆鐸是矜近且以匿帖逐舊
臣矣俄又聞以疎藩參軍輔弼爲屬又宣傳復嚴密而人
心皇、矣輔臣曰廣正直忠誠么庸小臣爲誰驅除聽
誰指使且聞上章不錄通政給納當在何途内外交通
神叢互傳飛章告密墨勅斜封端自此始可不嚴行詰

究用杜將來至厥衛之害橫者借以樹威點者因而牟
利人：可為叛逆事、可作營求縉紳慘禍而不必言
小民難尤亦無寧曰 先帝時正此一節未免府怨前
事不逮後事之師思先朝何以失即知今日何以得如
先帝篤念宗藩而聞寇先逃誰死社稷保舉換換盡
是殃民則今何以使罪治不萌而維城有賴 先帝隆
重武臣而死綏敵愾十無一二叛降跋扈肩背相踵則
今何以使賞罰必當而威惠易行 先帝委任勲臣而
官舍選練一任飽颺京營銳卒後為寇藉則今何以使

父書有用而客氣足屏 先帝簡任內臣而小忠小信
原無足取開門延致且噪傳聞則今何以使柄無旁操
而思有餘地 先帝不次擢用文臣而邊才督撫誰為
擇舉起遷宰執羅拜賊庭則今何以使用者必賢而賢
者必凡事急矣及今為之已遲再欲不為何待奎遊化
為穴聞臣誠不知何說疏奏罰俸

甲寅戶科倪嘉慶追論樞輔楊嗣昌調度乖方請削官廢
不允

疏言嗣昌當虜入犯時不宜盡調勅寇有緒之虛象昇

孫傳庭等東馳致庭氣日熾時辭臣士英任無極輔政
欲寬弼昌以自為也未幾楚撫何騰蛟奏張獻忠心悵
嗣思攝其五世塚遂有當日不為無功之褒矣

乙卯大學士高弘圖以爭東廠不得俱乞休不允弘
圖又請召還督輔可法報聞

八月丙辰朔日有食之車駕祀先師孔子

禮科都沈胤培言恭遇 皇上傳制祭先師孔子親聆
天語貴衛臣盡職夫朝廷之禮不同有視朝之禮有升
殿之禮視朝容或面高大政宣諭群臣若升殿非大朝

賀即大紀典未聞可開以傳宣而有越班奉事之官也
况崇儒重道宜尚德緩刑何對越先師之誠未已遽興
肅清奸宄之思若日食之變尤有可言春秋書災者謹
日食大彗小人凌君子之象今之蒙氣強半在下方黃
勇于私闘黑白混于公岐則意見蒙之干進者人思躍
治陳情者章滿公車則利誘蒙之而且封事不錄銀臺
則蒙于戒掌區名屢揭街衢則蒙于風俗祈

上獨攬乾綱專精斧藻日升月恒自今伊始俞之

丁巳命會議先臣平議功從吏部尚書徐石麟等請也

先是譙子應天府尹冕無嗣徽人于嵩冒稱譙族子得
世杭州千戶奉祠後改世錦衣衛時御史黃澍亦由徽
籍移抗籓故為嵩後之英謀求改伯石麒麟等疏即澍草
也工科都李清獨以為不可曰以忠肅公侯之非
濫而況于伯然非其後獨不見開國功臣廣德侯華高
卒無子約恭墓中亦乃以加遠不可知之族裔耶時同
臣陳之遠心庇之英又援安鄉伯張興侄勇世襲例吏
科都張希夏折之曰勇隨興有血戰功之英有此否議
遂止

兵科陳子龍請優奉仲吉初泐以臺諫不許

仲吉以救黃道周廷杖淵以浙舉人爭劉宗周不當罷
被逮故子龍薦之

廷推戶部左侍郎張有譽奉部尚書允之

時部科議內傳不可長仍宜會推以存祖制故也吏科
卿章正宸復疏言舉動當慎報聞

命補河南巡撫及缺官悉察規避道府有司

升吏科左熊維典戶科都給事中

起補易應昌都察院左副都御史升禮部右侍郎王廷垣

左侍郎詹事府修撰寧右侍郎

起升原任順天巡撫楊鶻兵部右侍郎兼都察院右僉都御史提督川湖雲貴廣西等處

東平伯劉澤潁疏攻憲臣劉宗周

先是宗周疏出都中謗紙喧傳有吳姓等聚兵勾容令東林為不執請更言四鎮方脩行署將入清君側縉紳爰八旬日方定越數日澤潁疏至明已有功無罪且言宗周若誅即却戰求 皇上賜劍語狂悖上不得已溫旨諭之

蘓松巡撫初處伯請定三吳財賦

處佳言西北臨浚財賦皆取給東南供輸非舊貫可泥
請委原任廣州府推官顏俊彥與各郡鄉紳會議更定
允之

礼科教諭年疏糾宗貢朱統額報聞

時閣臣士英與曰廣同詆 上稱曰廣曰 皇上以親
以序合立何功士英厲聲曰臣無攻以尔輩欲立疎藩
絕意奉迎故成且功耳時統額寓京師遂棄執紼曰廣
大畧謂從逆輩皆曰廣私人而迎立一節曰廣又持異

議疏不由通政司以他實進彭年疏收之言其非體又
請寬熊汝霖抗言之罪以昭聖度通政司劉士積亦言
統顯越奏違制自求罷斥俱報聞

己未浙江提兵王之仁請開七金塘大榷允之

命優恤薊國公吳三桂父吳襄

襄故提兵西京師李自成勅襄為書招子三桂降三桂
不從遂并妻祖氏及二子一女皆被害至是三桂胎書
劉澤清期合兵滅閹澤清以書聞贈襄遼國公諡忠壯
祖氏贈夫人給祭葬

升編脩楊廷麟左庶子以正宗左中允

廷麟以糾楊嗣昌調兵部至是因祁彪佳薦復職正宗
後降北復為編脩

庚申議起原任劉晉玉以永吉巡撫山東鳳督朱大典巡撫
河南命吏部堂司官回奏以永吉見在勘議大典尚未
結案故也吏部尚書徐石麟疏言皇上以公此齊豫
境乎北騎方踰寇烽久路今東督既藉其平日恩威因
粘于境豫撫又責其自練組甲具獲得以行度而費亦
累鉅萬不煩皇上主藏吏一錢譬如有一人為欲使

封疆重任可以嘗試乎
注惠康中倭傳

入毒龍之潭而探其珠走猛虎之窟而奪其子則必懸
千金以募死士若無千金不舉不舉一數似誠然又
如有兩人焉均為長年五老駕舟海濤其一人屢遭颶
風顛覆其一人屢有鼠雀侵欺為時所棄然後之航海
者則必就兩人問之何也以猶愈于迷惑失向望洋向
若據舷而啼者也今兩臣尚能和輯將帥申明紀律而
皇上又不煩矢鏃芻糧之費為齊豫經營此間部馬士
英與臣為封疆林而不得不植宜出此疏奏命另推豫
撫

嘉靖初年
子何

加閣臣可法武保惠太子太保武英殿大學士弘治太子
少師曰廣太子少保並文淵閣大學士英太子太師武
英殿大學士鐸太子少保文淵閣大學士子庶有差可
法蔭錦衣衛指揮僉事除俱中書舍人

辛酉復召原任司禮監太監李承芳入內還其原廕

承芳 先帝時以罪發南京

壬戌升刑部左侍郎賀世壽戶部尚書兼都察院右僉都

御史提督金場

命臨北提兵檄大猷子澈澈隨澈澈薨北行

澤溥至北面不送

復設東廡札科勅勅年疏陳鵠級調外

彭年言 高皇時不聞有廡也相傳 文皇十八年始

立東廡命內官一人主之此不見正史惟大學士萬安

言之亦不聞特以緝事者嗣是一盛于成化然西廡注

直踰年輒罷東廡尚銘有罪輒然當時已不得稱統治

矣再盛于正德其結用事者則丘聚谷大用張銳等也

初皆倚逆瑾煥虐搆八黨之尤醜十六年之禍天下遂

然三盛于天啓之季逆魏之極幾危社稷自此而外

列聖罔無聞也。高皇帝十五年，罷置司改設錦衣衛，不過刀介侍左右如漢衛尉寺司衛卿典宿衛宮禁耳。又六年，詔內外獄毋得上錦衣衛，諸大小成經法曹終高皇帝世錦衣衛不復典詔獄。文皇帝時，諸生紀綱叩馬首請，改擢為都指揮僉事，典治詔獄。未几，奸利事覺，即日捕誅，自綱而終。文皇世錦衣雖典詔獄，盡可領諾而已。其後莫重于我寧，尤莫重于陸炳。寧托義子竊國姓，權傾海內。然以通寧庶人伏誅，詔下革傳奉違者指揮汰十之八，族校汰十之五，歲省度支錢數千萬。

一時翕然稱神明也。柄位師保，參論時領宿衛，則先練
勲也。判奸則司隸也。分將相任，則古大司馬大將軍也。
自相嵩成寧侯，無不曲奉之。中外重足而立殆矣。
列聖雖時有禁衛之寄，取備官耳。夫即其時，殿衛之興
廢，而世之治亂恒因之。陛下試考鏡往事，深維得失，
則旗校緝事，是否應行，可得其槩矣。頃先帝朝，不嘗
任殿衛乎？勤訪緝事，乃當世決無不營而得之官。中外
自有不脛而走之賄逃網之方，即從密網之地而布作
奸之事，反資發奸之人以行。始猶怕侯交際，為人情所

有之當後乃賤賄百千成極重莫返之勢豈非以與援
之進愈私而專傳送之間愈曲而費乎究竟刁風所熾
官長不能行汰于胥吏徒隸可以迫脅其尊上誰生厲
階卒釀亂形乞陛下清鈐樞用舍之術以絕賄源嚴
法司搜捕之責以杜奸萌則鮮事可以不設成命可以
立而疏奏責以狂悖詞外吏科河南道俱疏執不聽到
年後降北為廣東學遊

起原任劉督丁燧楚以兵部右侍郎兼都察院右僉都御
史提督楚豫軍務巡撫承德襄陽等處

魁楚崇禎時以先機戍

升光祿寺丞張假樞奉寺少卿

作擇先為兵種以紂楊嗣昌高起潛誦沒升今我後降
北為同知

戍原任鄧陽巡撫王永祚

以棄城

命提問原任蘇松巡撫王志舉

坐貪故也時志舉已任北為京師為

癸亥補原任戶科熊汝霖吏科右給事中

甲子內傳催外解錢糧

旨言初遣內臣往撫回輔臣弘圖科臣羅萬象等疏止
今軍興旁午外解無幾該部嚴催全完限八月終並為
遣內臣地也

革原任巡按山東御史余日新戒法司提問

以聞爰先寘放也

署刑部賀世壽擬上從賊六等條例着再確擬

一為賊領兵獻策謀危社稷者即庶條不宜末賊一督
撫總兵降賊情罪極重不宜列等一四五品京堂及

科道翰林受賊要職升降賊守巡等官不宜止于統一
廣官受偽命如科道翰林吏兵等部官又封疆大吏巡
方司道聞變倡進者不宜止于流一獻女獻婢媚賊及
受偽官者不宜止擬徒皆明旨所取也

督輔均可疏請各鎮兵餉以固進取命戶部速發
可法言近聞諸臣條奏但知催兵不為計餉天下寧有
不食之兵不餉之馬可以取進者目前但有餉銀可應
臣即躬率案牘為諸鎮前驅又言國家人才日耗仕路
日濬皆因名心勝而實業不脩議論多而成功絕少遇

清卿台省之缺則曰謀猷經濟非其人不可過錢穀之任則曰此吏事不足煩大賢過兵戎之寄則曰此難題不得若吾輩此推彼却姑付庸人俟用終更有同見哉即偶出特簡又必百計求全一事不做非托病則索官云衆務臣精神加量盡用之做官曾無益國家室八等兵餉者先帝皇以求治卒底于亂蓋由此耳今時事益棘覆轍在前必以討賊復仇刻入諸臣之規夢除却籌兵籌餉別無議論除却治兵治餉別無人才如撿拾浮誇爲引市德罪無故如巧躋華要厭薄煩難或倚題轉官虛應候事罪無

赦以後陞遷考選必須定，為國家等兵等餉治兵治餉之人則人才必奮而事功必出。若空言討賊空言復仇諸臣能言且不能言，即革野書生少明君父大義陋晉宋偏安者亦人，能言要在空言有濟已勅廷臣將在朝在野人才合併打筭。某堪治兵即用以治兵某堪治餉即用以治餉其治兵者或為危疆督撫或為要地司道其治餉者或為戶工堂屬或為各省藩司但論人不論官，大者亦可小就而後懸破格之之選官小者亦可大用而後謀非空之故其餘一切不急之官姑且緩用不急之務姑且緩

行則中興之業成矣

逆賊張獻忠破成都僭王

蜀王及撫按各官俱失所在提兵趙光遠降賊

升礼科都沈胤培太常寺少卿

乙丑命礼部選堪任監司府州縣隨四川巡按朱壽圖行

量人地題補

命法司提從逆張嶠然党崇雅薛所蘊等

從尚寶少卿程正揆言也後北兵破南都正揆亦為內

院辦事

辦事

升尚寶少卿徐一范鴻臚寺卿

命優恤湖廣殉難衆人陳壽策李師知等

萬策等為從逆御史喻上猷開薦閩賊偽官將用之萬
策自縊開先觸牆死

吏部右侍郎鄭道周疏陳時務俞之

道周言南都定易則福建江右皆為首藩江右之有虔
鎮南撫肇廣西揭汀漳有事則合三省之師不十日出
鄱陽福建之有浦城建陽東連溫處北距水陸可湊在

予衢州衢州之比度鎮雖為羸弱而建瓴之勢度衢相
等有事即合三省之師亦不十日出我塘外誠以嶺南
之鉤接濟度鎮以嶺東之鉤接濟福省以兩廣之事推
分駐贛州衢州則臂指形成藩屏義固矣一曰復燕京
而後可都鍾陵燕京雖當殘破後幾輔人心思明如舊
天壽陵寢所在食息不可暫忘臣見周室東遷棄地不
復晉宋南遷無意北望皆所未安今燕京道遠不比汴
宋然漁陽盧龍悲歌感慨之士不乏其人宜雲薊永幸
未陸沉可多方勸率刻日收復還告孝陵乃定鍾簋以

終龍盤虎踞之業此一脩之一曰先召勦王而後可言
討賊自古王室不廢入援崇禎初年以客兵中味撫臣
入援者動輒遣還手足頭目之誣盡矣今神宗顛覆四
方恬然誠欲矯情鎮物無動寧功思亦神師通張叔夜
所竊笑也乃今多方激厲克詰張皇策其暮心揚以朝
氣召諸侯師咸集江上乃誓期北伐此二務也一曰先
討閭賊而後可平群盜凡群盜之起皆假閭為聲勢諸
悍將叛兵又假群盜為名寔欲先平群盜則盜不平兵
日以恣宜先大討賊以計潛弭群盜崇禎在河東張所

在河北招練一新恒八九十萬取盜兵資賊糧但用數
才且借江南半載之餉下已辨矣岳飛言動王之師日
集敵穴未固親率六師北渡則將士氣作中原可復及
今決意用飛言中張可宗澤之令兵不患不多餉不患
不足此三務也一曰先理山左而後可復山右山左右
皆古帝王都德義可卒決無捨十四葉天子且僕革寇
理中原難論計自登萊以西輳榆以北擇汗振袂猶可
當一中州間有張邀孔仙之徒奮臂其間晉陽蒲坂必
聞風相應山右既復真保自還藉此兩翼以扶陵寢奠

為行有權宿重兵使自戰守不煩天子待邊北四務也
一曰先靖河淮而後可定江漢先數年臣過清河見東
平汶上暴客飛馳有司莫禁又以蠶授于胡鵠招撫麾
下堂數千人臣私嘆曰舳艫命脉盡于是矣誠索堂鎮
之力以佐淮揚誅叛魁散諸從遠選十五以佐西討如
是則河淮清而江漢可定由是一意以理新黃淮揚嘗
為江漢兩眼此五務也一曰先復承天而後可以收金
楚承天楚之郢都王氣所鍾興猷陵在焉郢之當復甚
于襄荊明矣襄陽在新郢之衝建瓴水下楚豫相界賊

所必爭荊州西蜀通通盛夏水出一日千里雖得蜀猶
不足守復郢而後可以東定陳中北取上蔡西斷入雍
之道此六務也一曰先鎮滁州而後可固江淮滁陽宇
內與樞東走瓜儀西走新廬紅心大柳二驛之南與江
浦相直其地皆坦平四通道賊必趨有大城重兵宿
于其間則中都之勢不孤維揚之形亦壯天長六合不
苦風雨掩至誠增池河兵集大柳城于撫衛二都甚便
此七務也一曰先定進取而後可議鎮守今諸將盡
度策謀曰取湖南則鎮湖南取湖北則鎮湖北曰取河

北則鎮河北取河南則鎮河南欲割中京之地以樹諸
侯欲邀萬一之功以分節哉然觀古名將皆規畫先定
判屬應之今諸將才如流水皆自上趨下至于楊子以爲
尾閘欲其時至何日乎誠欲克復燕京必先直趨閬陝
欲克復河淮必先直取徐宿欲克復襄荊必須探討全
蜀進勢一丈收勢五尺盡守江皖還維庥儀即有節或
無所入之誠如所云溯河南北隨所自取以爲軍糧朝
廷亦何靳爲此八務也一曰先樹儒臣而後可用武將
自崇禎以來逸園日絀故者皆謂文臣不効一意右武

然自十七年中八九大將寵極貴盛無有不叛其伏義
死功者一二耳歿自唐宗以還儒將策勲爛于史牒至
明興尤盛于燕羅通韓雍王守仁之徒指不勝屈儒臣
致命而武臣不敢不死儒臣立功而武臣不敢不奮誠
于風力之司操其骨幹膽識者以行三軍猶風習耳此
九務也行此九務者而一本于克己防躬者刑藩欽先
禮樂而後刑威先仁義而後功利先家邦而後四海豈
憂閭閻哉王馭將謀勳臣採古今只有二家唐時觀軍
容用事每選兵自衛動輒先走諸將皆與賊通問取一

柵一縣坐食轉延引歲月李德裕宣制乃約監軍不得
臨戎又約諸將不得取一柵一縣為功今元遠取邠州
弘敬取潞州茂元取澤州彥佐汚取潞州期在平定而
河北破降此一法也宋時南郡荊弱呼兵不應文天祥
言宋懲五代之禍罷藩鎮雖矯尾大之弊而勢亦不振
逆賊過州縣無不下者宜分四鎮以廣西益湖南而建
閩長沙以廣東益江西而建閩興隆以福建益江東而建
閩鄱陽以淮西益淮東而建閩揚州貢長沙取鄂隆興
取蕪黃鄱陽取江東揚州取兩淮宋人不用天祥說而

國終不振此一說也今責諸將取湖河南北以分節我
興德裕同意責嶺東協濟福建嶺南協濟江右以章賴
出鄱陽以開州出我塘略加提督亦本于天祥所謂先
措置而後用人先具舟而後召工亦次第然也

工科方馬嘉植疏言朝政奉旨曰話已甯之

嘉植言比者舉動乖張改事顛倒卽：馬搖撥根本之
國刻：為擾亂東南之事其言任內臣則云始成福大
權仍候上其出流弊必至陰持之以傾動海內漸使人
主疑外廷進言指為矯激論事指為迂踈豈國家之利

臺言堂諫則云日者此奪熊汝霖俸復取袁彭年官以
塞謬為狂將以姦阿取媚為不狂乎以獻替為悖忌將
以詭倖依違為不安不悖乎以盡言為近名試觀從來
遠推勢救潔誼以近名者亦有幾人乎其言諛諛則
云法司稱天下之平迨厥漸間設害不旋踵一人鉗制
附會者多怨氣愁結上干天和其言大臣則云士貴而
後主尊上人輕則百姓惑下無可信則事不可以理泰
何吏對窮詰難見辭色使之汗流浹背請死無地且不
顧與朝魚水有此景象也其言營繕則云我方有事中

原而憂、土木是求外敵窺伺明知無復經畧四方意
且朝廷與東南窮百姓共守此一塊土今額餉有增無
減民間歲入有數水衡不給勢必取盈于民勢必催督
四出勢必詔令不信使東南生氣耗竭驗然捉險誰為
皇上共守茲一塊土語皆切直得旨曰話適太后回鑾故
免究、

丁卯山東濟寧知州朱光生員孫胤泰御民魏立芳等各
疏請兵既而不行命補道官而已不能救也

起補原任吏科莊整猷札科以湖各原官

鰲獻與澗皆以建言調澗已蒙 先帝環召守制里居至
是方起補後仕北

辛未升戶科左奉朝薦礼科給事中

原任大學士程國祥子震初具疏請卹不允

責以吾政地時加派過多為寇毆民也

命淮撫嚴逮從逆各官悉噉取等

閣臣士英疏列春時亨錢位坤項煜周鍾龔鼎華楊枝
起也時亨已抵淮先與劉澤清隙官奪保王獨位坤
與澤清善疏薦北伐以從逆不許乃孽先為閹逆偏直

指著藍袍迎城。至是又附北復至。給誅餘俱南還。

宣太后至南京

先是輔臣士英詢知太后所在。密啓請令內員及裨將王之綱迎之。令李際遇守護。行及至。各官迎江干上跪迎。洪武門內各泣下。

浙東陽諸暨復亂

兩邑向有許都之訛。雖誘賊厥渠。然餘党尚伏。適朱大興募兵勤王。以餉少抵杭。而潘剽掠至諸暨。許党乘之。有司念皇中泰旋勦寇。

命逮從逆御史喻上獄等

金瓶梅詞話何似列傳

左都劉宗周所糾也。年先從逆者。為喻上獄。在京受偽
命者。為裴希度、衛積圖、陳羽白、余必弘、蔡鵬霄、柳寅東、
張鳴駿、熊世懿、仙令無據、或拷或逃者。為陳昌言、馮垣
登、周亮工、劉今尹、朱朗條、金毓峒、魏琯、李植、吳邦臣、張
懋鼎、倫之楷、趙瑛、汪永韶、鄭楚熊、在差逃者。為燕京、余
日新、向北戎留或逃或叛、尚無下落者。為劉憲章、俞志
虔、汪宗友、楊尔銘、傅景星、戚友誥、徐一檢、俱應在六等。
又言徐養心、逃舍不終而棄官、復踰臺班、沈向、逃清不

終而棄官、俸役例轉、楊仁惠巡鹽兩淮、尚未報代、而徑
回原籍、相應勅吏部并度、疏奏免之、然聞進入都時、瑄
以告病、植以乞假出都已久、若向以例轉之、措以守制
仁惠、以裁鹽差故回籍、非逃也、必欲後仕北廷、左都僉
御史希度、宣東曉賊、昌言朗豫、瑄植景星京、俱主御史
亮工、生副使、垣墉已被闖逆刑夫死矣、

陞原任南祭酒文安之、詹事府正詹事、補修撰、外同升編
修趙士泰、陞之、邀各原官升廣吉士、陞于、編修

安之以私書誣誤同升士泰、以言楊嗣昌奪情于昌、以

地方民變之遠以父累皆坐降削者之遠後仕北為學
士申起陞寧夏巡撫

都御史提督川陝等處恢勦軍務

起陞編戊食事越其杰都察院右僉都御史巡撫河南兼
顯毫二州等處

其杰一榜士英妹夫也

以原任福府長史陶椿齡為尚寶司卿

贈故浙江泰政楊師孔翰林院侍讀學士

師孔士英成楊文聰父云以舊卿亦文聰亦以被劾知
縣升主事監軍京口

改戶部侍郎練國事為兵部添設侍郎

陞太常卿朱之臣刑部右侍郎迺政使劉士禎工部右侍郎

時原任宣大總督孫晉推戶部右侍郎聞已點內召文
選司即中王重至云欲換奉既而止及推晉疏下已點
復挖補痕宛然阮大城語人云我阻之也

命修西宮

擬奉皇太后旨之也

癸酉吏部尚書傑和麟陳銓政七款俞之

一定官制地狹則員宜省差減則缺宜裁事紛則官宜
併時棘則才宜儲此在內者當裁又督多則官尊而費
廣撫多則力分而民誣監多則指繁而視亂此在外者
當議一曰慎破格宋太祖得張齊賢我高皇得方孝儒
皆不自用而為後人用今風會既薄全才已鮮而好
獎借者又動求破格不知新發之剛光銳初露驟試堅
鉅則必鋒銷鐔折而不可用一曰行久任先朝諸臣席

未暖而謀還據甬而思却此唱彼和遂成風俗 皇上
戎祚以來北風更甚謂宜累徵前朝待況鍾劉綎諸
臣遣意外職自方面以上通兩考者或由臺省外轉應
還朝者地方受戴挽留加以京銜久任知推部曹非歷
俸伍年不得調大僚亦非歷俸二三年不得調庶心志
不分治教自奏一曰慎名器自軍興以來用人多端監
紀濫于泥沙破執悉登將組于是登塊已墻之子或借
陳言或求汲引然猶曰人非兩榜苦無門徑也若今日
之新貴有推知求選京秩者有三甲求為二甲者有戶

刑思濟礼兵者此嗜進一念何所不至庶恥較則防維
決崇、從逆皆此一念胡可有此一日嚴起廢迹見臺
省撫按薦賄往、丹旆朽奉誕張半臂以爲偉器巨擘
當于起之、日嚴辨廢之、固有理直而廢枉者急復
無失有情可原而爲法受過者宜以因銜久原而其情
有情本輕廢太重者宜薄其廢以歸之平有情與罪相
當者宜守 先帝已久爰書無爲不肖憊灰如此則人
知一念不謹遂沉永刻庶瞿然戒矣一曰明保舉國初外
吏皆有五品以上京官保任故能守身守官鮮上接下

剝之患自保任法壞京官乃有庇外吏以市交者大貪
大庇小貪小庇更治益壞謂宜使在京各官徧舉所知
之才足治矣智思理賦考于條系中各舉數人開具送
却臣列其名次并舉主姓名開呈御覽賞罰共之即即
縣滿亦須保舉的確而後選調若無保舉即註下考廢
乎集思廣益不負國家一口消朋黨近朝諸党或由玄
修或藉修飾或飾冲聖不召對不陞見深宮燕閒之日
多而按倪賢士大夫之日少于是或窮大阿或標名義而
黨遂蔓延不可解乞 皇上修祖宗午朝故事或于嘗

朝日或于常朝次日召見群臣于便殿凡關係軍國重
務與輔臣却院面商可否見之施為雖欲各立門戶又
何從得疏奏俞之

蘇松巡撫和尙疏留鎮臣等欽仰命兵部會議

斌卿先同撫京口與龐佳募兵買舟頗有次第至是提
兵鄭鴻達欲調斌卿于上江以下江自轄龐佳深惜其
去故請留之

督補如可海奏將北伐命嚴申紀律如四鎮縱兵淫掠一
律糾參

甲戌命巡撫王爌提兵立碁進駐東昌不得議往河南
遣戶科都熊維興督催浙直兵餉金花稅糧

升浙江副使陳昌虞太僕寺少卿

萬曆薦御史以執侍郎宋之普瘞屍事從寬故例轉

吏平伯姓謝字汝字等再疏初左都御史

初澤清疏下聞諸鎮獨疏公疏不一而足越數月忽下

除與澤清疏言宋周勛往鳳陽為謀不忠科事不知

抗疏糾莽孤臣無札陰挽恢復不義欲誅臣等不顧激

變士心釀生堂之禍不仁良佐疏宋周主持三案為門

戶主盟稅征為濫錯之自為府守司為聽之聞城距守
皇上不為群臣所容不若順成其志暫幸鳳陽語皆挑激
公疏尤甚謂諸人往以紅丸提擊謀害皇祖母皇考與
今年迎立時力主擁戴別蕩訛謗 皇上非臣等與督
臣馬士英朱國弼等欺誣定盟札約史可法翊戴則天
位素興殊技此尤往罪之所以痛心者因紅丸提擊前
罪之不安于心迎立異謀近罪之時奪其魂人、樹党
事、肆欺其謀危聖躬已明見之劉宗周致虔 皇上
鳳陽一語矣夫鳳陽無城郭郭市止有高牆 皇上新

承大統乃欲安頓天下安危之地此必非宗周一人逆
謀乃姜曰廣與姓合謀之曰廣心雄胆大行偽言堅執
不快 皇上入戎為非其意中人恐將來內外諸忠與
皇上說明不知死所故密事死黨宗周將誅戮 皇上內
外諸臣一一糾拂然後迫叔秉與遷居別省外郎耳乞
將曰廣等三奸拿送法司正其謀危君父大罪如姓宗
周必致進京臣等即渡江赴闕而訴其奸正春秋討賊
之義如宗周意往擒劉昌等正無發難之人乞勅宗周
至軍前忽聽指示刻期渡河說者謂昔苗今發且自憲

臣語言不諳將遜宗周也督輔可法不平三鎮與劉澤清皆云不知遂據以入告澤清俟可法疏下乃言前具公疏寔與良佐等知會輔臣不專慮疆事而分敗公疏惟恐曰廣等不得黨勝又云臣與東林無舊隙因江北新黨數人苛求太過然後知公疏及性澤清意也

命吏部考選廢籍各官及舉貢生監才品堪用應効力危疆者咨發督輔以補地方缺員

乙亥內傳起陞魏撫吏部左侍郎從魏國公徐和基等請也

張孫張市并去刺之人
中尤為族特

校先以薦逆呂純如為言路攻未究又以私書被發
配至是弘基等請再據判津清疏惟請竟起之并復議
却之遂張孫振劉光斗等吏科都掌正宸言運際中興
人思舉肘何患羅網不恢祇患往實多難張捷若卿若
官推能祇顧特前此位銓偶偏遂來多口今違荷殊知
定當盡撤城府一秉公忠何敢妄有以索若却之遂述
技疏稿述人求為心願鄒之張孫振孫文瀛祭穢狀盛
車劉光斗酒色為始振孫繼掩臣等隱忍不言所職何
事愿自今以往鎮臣以殺賊為功勲臣以屏翰為職一

切用人全歸吏部疏奏得旨葉廷秀以主事批升都察院堂上官群臣寂無一言今批用張捷便有許多議論著為首的回奏蓋欲以此箱正震口也奏入得免究大理寺少卿郭繼經疏鄭邀龍功命部覆議

未幾劉澤清以封爵請

丙子下從逆項煜于獄

草原任礼部郎中周撫工部尚書陳必謙職命刑部提問朱統額糾捕臣曰廣并及二人也末証曰廣証私甚云姦媳且欲下曰廣宗周劉士楨周撫陳必謙楊廷麟

國初之廢多不恤亡統
謂矣

王重雷續祚劉復丁願初等子理職。滌不倫疏奏有乃
心王室之褒而聽以結党必譙以大臣偷生皆提問吏
科右熊汝霖言輔臣曰廣之誣自在聖鑒若周鍾等亦
非善類公論國法而聽之耳及取純顯全疏閱之至姦
媿等語不禁駭愕既而思礼義廉恥四字陵夷至今蕩
然盡矣。猶賴士大夫稍知學問者畫地而蹈如曰廣誠
亦其人今竟欲以奸、賊之行加孤潔之身、獨不念自污
其舌乎。時江督袁繼咸亦疏雪曰廣士英不悅

改兵部主事、調馬山東巡按御史

皆補史可法薦之也

工部尚書何應瑞疏言江浮大木有助殿工命擇吉興役
丁丑命修築雒城陵園祠官歲時致祭

增安慶水兵五千人

封卽存義為大興伯世襲

存義皇太后弟國戚世勅經世廟議革卽弗稽也

命恤死節生員許琰

琰開先帝崩于賊憤激一溺再縊卒死至是以進士
三曰俞言命札卽候奏時金壇生員王明灝亦慟哭不

食死

命四鎮得糾有司

從廣昌伯劉良佐請也

戊寅命原任薊督王永吉戴罪提督山東務仍同陳洪範等料理酬北事宜

從閣臣和圖等請也未幾刑部擬成諒詔以永吉身為督師因被君亡豈止一戍姑戴重罪任事不妨加等

贈原任福府長史王秉石詹事府少詹事廕子

已卯命三法司將從逆諸臣會同府部九卿科道限三日

內議奏

興平伯高傑言國家士氣自靖難大札魏璫三大案推析
已甚今乃復以從逆為題耶悅鍛鍊逆跡忌閑風悞罪
外樹敵而內益仇東平伯劉澤清亦言七月二十七等
日北來官紳船隻絡繹不斷後船追趕還回濟寧不敢
渡河以臣之愚除真正降賊作官賊榜有名法難輕貸
至于被賊刑拷之人還望少寬文網收歸依舊時以為
二月疏皆從逆諸臣決之也

起升拾遺太僕寺少卿王濬右通政

加錦衣衛事馬可宗都督同知

補原任給事中馬兆義礼升南御史成勇福建道

兆義崇禎時以濫國候考推知閑住勇以糾楊嗣昌廢
將王心一高倬各奉却左侍郎

贈原任巡按湖廣御史劉熙祚太僕寺卿謚忠毅廢一子
熙祚為張獻忠所執題詩于壁、憤罵不屈死

加戶部郎中袁樞銜一級

先是銓部陞樞山東食事戶部題面奉旨准留不准加
銜不旬日復有此旨

奉皇太后懿旨命礼部同監臣韓贊周遠求淑女

辛巳改補李模張煊李長春楊一鵠為河南等道御史

模以巡方劾監臣譚煊以會推房可壯等一鵠以復奏
孫傳庭重聽俱戍長春以謝楊時化喬淳事繇辭改戍
後煊降北仍為御史

命催山東巡撫王變提兵丘嘉赴任兵部右侍郎左懋第
都督陳洪範渡河

授杜光祖等錦衣衛千戶尋加指揮僉事子孫世襲千戶
授千戶者凡三人皆上寓淮時各停主也

陞光祿少卿妣恩孝大理寺右少卿

壬午命提督丁魁楚一意勦賊并承德巡撫事于何橋蛟
應安巡撫程世昌請移駐池州久之

改原任大學士王應熊為兵部尚書仍以原官提督川湖
雲貴尚辦蜀寇賜上方劍便宜行事

復南國子監：丞玉之晉原官補兵科左給事中

之晉崇禎時以救溫國諸臣謫

封鄭芝龍南安伯

癸未升尚寶司丞我元愬為本司少卿

草原任楚撫王楊基任總勘命沅撫李邦德裁罪赴督輔

王應熊軍前理餉

起陞為民福建右布政申紹芳戶部右侍郎兼都察院右

僉都御史督餉江北原任左僉都王志道為戶部右侍

郎升兩廣總督沈德龍為兵部添設右侍郎

陞應天府丞郭繼紹為都察院右僉都御史

命文武不許薦舉以開偉門非言官不得上奏以搖朝政

起陞刑籍給事豐式都應天府丞

式相坐會推我諫益處

原原任登撫陶朗先子學膳上疏乞恩不允

朗先曾以贓廢

乙酉懷寧侯孫鮑藩子維誠乞卹不許

鮑藩與故輔陳演等俱被閹執然同死顧聲迹王先通等數日內又乞卹閹票之有盾乃尔

進論先朝挑紅牆功如淮撫回仰兵部尚書廢一子錦衣

衛食事世襲

仰家居十七年王是進論冒子升廢輔臣士英死之也內傳起陞阮大鍼兵部添設右侍郎從安遠侯柳昌羅言也

時聞臣士英因爲大賊輩誣意稍懈至是忽因冒非爲
傳升今官說者謂司礼李承芳發南都時因失勢無與
交者獨大賊杯酒慙慙意甚感此番傳升定錄之士英
尚不知也頗慙恨左都劉宗周言大賊陷于逆案徒以
當年事更坦不得致魏大中死于詔獄殺大中者魏臨
大賊其主使也國家莫大于和正消長之辨而和正爲
次即大賊才誠可用且慮党邪害正之末終病世道則
所爭于風紀之地者一也祖宗故事凡列大僚必用廷
推立之者吏部而臺省主封贈深得古爵人於朝之意

乃者中旨頻降司農之後繼之少宰。猶曰偶一行之得
失參半也。未几而大鉞之司馬又繼之。從此廷推可廢
一切。却院臺省職掌皆廢。獨容共二三權貴朝進一人
奏進一人。而其為科封墨勅之漸。有不待問者。則兩爭
于風紀之地者二也。夫一大鉞耳。擬稱言之而不果行
。注意其必屈体公議與天下更始。何勲臣作昌又繼承
風旨更唱迭和。取旨如寄宰相之權如此。且為贖之然
方奉明旨申飭大小臣一舉停止而勲臣首犯之臣尤
不能為非昌解則兩爭于風紀之地者三也。臣聞明主

賈諫臣而陛下且預懸一扇禁曰不得仍前把持賈
擾假令今後廷臣相率唯諾取婦室盛世福祈特寢大
越新命果度人才可用不妨徐俟論定亦聽廷推吏科
右熊汝霖言新用阮大鍼皇上既以知兵拔之自當
置有用之地壯我長城臣前請其長江要害一疏果亦
區畫分明以此才或當廢或當免果能使封疆此若前
此執事諸臣自當嘆曰以廷若止優游司馬樞輔已既
為之何須添此一席皆不能大鍼為人閃爍初以科俸
補吏部同邑左光斗等疑惡之迫使去用魏大中代罪

觀大鍼去時罪不
容諱戶部故諱引
去之在廷用之H室

高偏而陰行贊與何
必有實據既為魏國
見此為何不復尋實
據耶

大城者亦偏也。若陰行贊與亦無實據。然外番內使又
作始端公案矣。時懷遠侯常胤緒亦請罷大城所起之
官。并正璿營之罪。人皆贊其言。

南渡錄卷之二終